

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)

i

BAU & GARTEN d.o.o. Sarajevo, Lužansko polje 9, ID broj: 4200488080001, koga zastupa direktor Faruk Avdagić (u daljem tekstu: Dobavljač)

zaključili su:

UGOVOR O NABAVCI POLICA ZA ODLAGANJE TRAGOVA

Član 1.

Predmet ovog ugovora je nabavka polica za odlaganje tragova i to 31 kom, za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu odluke broj 02-11-4-1298/21 od 08.03.2021. godine.

Ponuda Dobavljača broj 52000123264/1 od 23.03.2021. godine je sastavni dio ovog ugovora.

Član 2.

Ukupna vrijednost predmetne nabavke roba iznosi 3.176,84 (trihiljadejednastotinasedamdesetšest i 84/100) KM bez PDV-a.

Ukupna vrijednost predmetne nabavke roba iznosi 3.716,90 (trihiljadesedamstotinašesnaest i 90/100) KM sa uključenim PDV-om.

Dobavljač se obavezuje da se cijene iz Ponude neće mijenjati do isteka ovog ugovora.

Član 3.

Dobavljač se obavezuje da će robu iz člana 1. ovog ugovora isporučiti najkasnije u roku od 5 (pet) dana od dana prijema narudžbenice, na adresu Ugovornog organa, Odjeljenje za kriminalističku tehniku i forenziku, Sektora kriminalističke policije, La Benevolencije 16 Sarajevo.

Sve troškove isporuke do primopredaje i ugradnje, kao i troškove reklamacije snosi Dobavljač.

Ugovorni organ i Dobavljač će obaviti zapisnički prijem robe. U zapisnik se unosi količina isporučene robe te evidentiraju mogući vidljivi nedostaci na istoj.

Ukoliko je roba isporučena bez nedostataka/uredno u zapisniku će se konstatovati „isporuka i prijem izvršeni bez primjedbe“.

Član 4.

Ukoliko se prilikom montaže konstatuju određeni nedostaci u kvalitetu ili kvantitetu isporučene robe sačinjen će se zapisnik o reklamaciji.

Dobavljač se obavezuje priznati reklamaciju na kvantitet i kvalitet isporučene robe, koja će biti praćena zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka.

Roba će se smatrati uredno isporučenom tek kada u zapisniku o prijemu bude konstatovano da je primopredaja izvršena bez primjedbi i kada ista bude uredno montirana.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostataka na ime izvršene nabavke iz člana 1. i 2. ovog ugovora.

Član 5.

Plaćanje će se vršiti u roku od 30 (trideset) dana od dana uredne isporuke robe i dostavljanja fakture, na tekući račun Dobavljača, otvoren kod poslovne banke.

Član 6.

Garancija Dobavljača na isporučenu robu je prema uputstvu proizvođača i počinje da vrijedi od datuma isporuke.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Član 7.

Na ostala prava i obaveze ugovornih strana, koja nisu regulisana ovim ugovorom primjenjivat će se odredbe Zakona o obligacionim odnosima.

Član 8.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.


U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.


Član 9.


Ovaj ugovor je zaključen, kada isti potpišu obje ugovorne strane i traje do uredne realizacije ugovorenih obaveza ugovornih strana.


Član 10.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
BAU & GARTEN d.o.o. Sarajevo

direktor Faruk Avdagić



UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović



Broj : X.P-100/21
Datum: 04.03.2021

Broj: 02-11-4-1298-2/21
Datum: 23.03.2021. godine